

四庫全書

子部

欽定四庫全書

子部

太平廣記卷四百

十三

詳校官中書臣潘有為

檢討臣何思鈞覆勘

總校官進士臣楊懋珩

校對官典簿臣劉景岳

謄錄監生臣林大本

欽定四庫全書

太平廣記卷四百八

宋 李昉等 編

草木三

草

李祇草

三賴草

席箕草

護門草

仙人條

合離草

老鴉窠籬草

鬼阜葵

青草槐

銅匙草

水耐冬

三白草

無心草

盆甌草

女草

媚草

醉草

舞草

相思草

無情草

忘憂草

睡草

千步香草

麝草

治蠱草

蛇銜草

鹿活草

解毒草

毒草

蕉毒草

牧麻草

龍芻

紅草

宮人草

焦茅

銷明草

黃渠草

聞遐草

始皇蒲

夢草

漢武牧馬草

水網藻

地日草

書帶草

金蒼草

望舒草

神草

柰祇草

柰祇出拂林國苗長三四尺根大如鴨卵葉似蒜葉中心抽條甚長莖端有花六出紅白色花心黃赤不結子其草冬生夏死與薺麥相類取其花壓以為油塗身除

風氣拂林國王及國內貴人用之

出酉陽  
雜俎

三賴草

曹州及揚州淮口出夏梨三賴草如金色出於高厓魅

藥中最切用

出酉陽  
雜俎

席箕草

席箕一名塞蘆生北胡地古詩云千里席箕草

出述  
異記

護門草

常山北有草名護門寘諸門上夜有人過輒叱之

出酉  
陽雜

矧

仙人條

衡嶽出仙人條無根多生石上狀如帶三股色綠亦不

常有

出酉陽  
雜俎

合離草

合離根如羊魁有游子十二環之相須而生而實不連  
以氣相屬一名獨搖一名離母若土人所食者呼為赤

箭矣

出酉陽  
雜俎

老鴉笊籬草

老鴉笊籬葉如牛蒡而狹子熟時色黑狀如笊籬

出酉陽雜

組

鬼阜英

鬼阜英生江南地澤如阜英高一二尺沐之長髮葉亦

去衣垢

出酉陽雜俎

青草槐

龍陽縣禪牛山南有青草槐叢生高尺餘花若金燈仲



夏發花

出酉陽  
雜俎

銅匙草

銅匙草生水中葉如剪刀

出酉陽  
雜俎

水耐冬

水耐冬此草終冬在水不死段成式城南別墅池中有

之

出酉陽  
雜俎

三白草

三白草初生不白入夏葉端方白農人候之蒔田三葉

白草畢秀矣其葉似署預

出酉陽雜俎

### 無心草

蚍蜉酒草一曰鼠耳像形也亦曰無心草

出酉陽雜俎

### 盆甌草

盆甌草即牽牛子也秋節後斷之狀如盆甌其中有子

似龜蔓署預

出酉陽雜俎

### 女草

葳蕤草一名麗草亦呼為女草江湖中呼為娃草美女

曰娃故以為名

出酉陽雜俎

### 媚草

鶴子草蔓生也其花麴塵色淺紫蒂葉如柳而短當夏開花又呼為綠花綠葉南人云是媚草採之曝乾以代面靨形如飛鶴翅尾觜足無所不具此草蔓至春生雙蟲只食其葉越女收於粧奩中養之如蠶摘其草飼之蟲老不食而蛻為蝶赤黃色婦女收而帶之謂之媚蝶

出嶺南

錄異

醉草

尸子赤縣洲為崑崙之墟其東則滷水島山左右玉紅

之草生焉食其一實醉卧三百歲

出文樞  
鏡要

舞草

舞草出雅州獨莖三葉葉如決明一葉在葉端兩葉居

葉半相對人或近之則欹抵掌謳曲則搖動如舞矣

出酉

陽雜  
俎

相思草

秦趙間有相思草狀若石竹而節節相續一名斷腸草  
又名愁婦草亦名孀草又呼為寡婦莎蓋相思之流也

出述  
異記

### 無情草

左行草使人無情范陽長貢

出酉陽  
雜俎

### 忘憂草

萱草一名紫萱又名忘憂草吳中書生謂之療愁嵇康

養生論云萱草忘憂

出述  
異記

睡草

桂林有睡草見之則令人睡一名醉草亦呼嬾婦箴出

南海地記

出述  
異記

千步香草

南海出百步香楓聞於千步也今海隅有千步香是其種也葉似杜若而紅碧間雜貢籍云日南郡貢千步香

出述  
異記

麝草

龜甲香即桂香善者紫朮香一名金杜香一名麝草香  
出蒼梧桂林二郡界今吳中有麝草似紅而甚芳香

述出

異記

### 治蟲草

新州郡境有藥士人呼為吉財解諸毒及蠱神用無比  
昔有人嘗至雷州途中遇毒面貌頗異自謂即斃以吉  
財數寸飲之一吐而愈俗云昔有人遇毒其奴吉財得  
是藥因以奴名名之實草根也類芍藥遇毒者夜中潛

取二三寸或剉或磨少加甘草詰旦煎飲之得吐即愈  
俗傳將服是藥不欲顯言故云潛取而不詳其故或云  
昔有里媪病蠱其子為小胥邑宰命以吉財飲之暮乃  
具藥及旦其母謂曰吾夢人告我若飲是且死亟去之  
即仆於地其子又告縣尹縣尹固令飲之果愈豈中蠱  
者亦有神若二豎哉

出投  
荒錄

蛇銜草

異苑云昔有田父耕地值見傷蛇在焉有一蛇銜草著



瘡上經日傷蛇走田父取其草餘葉以治瘡皆驗本不知草名因以蛇銜為名抱朴子云蛇銜能續已斷之指

如故是也

出感  
應經

### 鹿活草

天名精一曰鹿活草青州劉炳宋元嘉中射一鹿剖五臟以此草塞之蹶然而起炳密錄此草種之多愈傷折

俗呼為劉炳草

出酉陽  
雜俎

### 解毒草

建寧郡烏臼山南五百里生牧靡草可以解毒百卉方  
盛烏多誤食烏喙中毒必急飛牧靡山喙牧靡以解

出酉

陽雜  
俎

### 毒草

博落迴有大毒生江淮山谷中莖葉如麻莖中空吹作  
聲如勃邏故名之

出酉陽  
雜俎

### 蕉毒草

蕉毒草如芋巨狀如雀頭置乾地則潤置濕地則乾炊

飯時種於竈上比飯熟即著花結子人食之立死

出感應經

### 牧麻草

有牧麻草大毒有此草值風吹其氣所至則數里內稻皆即死李淳風云其汁本清得水則稠見日則濕入廐即乾在夏欲涼在冬欲溫

出感應經

### 龍芻

東海島龍駒川穆天子養八駿處島中有草名龍芻馬

食之日行千里古語一株龍芻化為龍駒

出述異記

紅草

山戎之北有草莖長一丈葉如車輪色如朝霞齊桓時  
山戎獻其種乃植於庭以表霸者之瑞

出酉陽雜俎

宮人草

楚中往往有宮人草狀如金盞而甚芬氲花似紅翠俗  
說楚靈王時宮人數千皆多怨曠有因死於宮中者葬  
之墓上悉生此草

出述異記

焦茅

焦茅高五丈火燃之成灰以水灌之復成茅是謂靈茅

### 銷明草

銷明草夜視如列星晝則光自銷滅也

### 黃渠草

黃渠照日如火實甚堅內食者焚身不熱

### 聞遐草

聞遐草服者輕身葉如桂莖如蘭其國獻根植之多不

生實草葉多萎黃詔並除焉

焦茅銷明黃渠聞遐四  
種並出王子年拾遺記

始皇蒲

齊南城東有蒲臺秦始皇所頓處時始皇在臺下繫蒲以繫馬至今蒲生猶榮俗謂秦始皇蒲

出殷芸小說

夢草

漢武時異國獻夢草似蒲畫縮入地夜若抽萌懷其草自知夢之善惡帝思李夫人懷之輒夢

出酉陽雜俎

漢武牧馬草

漢武於湖中牧馬處至今野草皆有嚼啣之狀湖中呼

為馬澤澤中有漢武彈碁方石上有勒銘焉

出述異記

### 水網藻

漢武昆明池中有水網藻枝橫倒水上長八九尺有似網目鳧鴨入此草中皆不得出因名之

出酉陽雜俎

### 地日草

南方有地日草三足鳥欲下食此草羲和之馭以手掩鳥目食此則悶不復動東方朔言為小兒時井陷墜至地下數十年無所寄託有人引之令往此草中隔紅泉

不得渡其人以一隻履因垂汎紅泉得草處食之

出酉陽雜

祖

### 書帶草

鄭司農常居不其城南山中教授黃巾亂乃避遣生徒  
崔琰王經諸賢於此揮涕而散所居山下草如薤葉長  
尺餘許堅韌異常時人名作康成書帶

出三齊記

### 金登草

晉武帝為撫軍時府內後堂砌下忽生異草三株莖黃



葉綠若惣金柚翠花餘萼弱狀如金盞時人未得知是  
何祥瑞也故隱蔽不聽外人窺眎有羌人姓姚名馥字  
世芬充廩養馬妙解陰陽之術云此草以應金德之瑞  
馥年九十歲姚襄即其祖也馥好讀書嗜酒每醉歷月  
不醒於醉時好言王者興亡之事善戲笑滑稽無窮常  
歎云九河之水不足以為蒸薪七澤麋鹿不足以充庖  
俎每言凡人稟天地精靈不知飲酒者動肉含氣耳何  
必土木之偶而無心識乎好啜濁嚼糲恒言渴於醇酒

羣輩常弄狎之呼為渴羌及晉武踐位忽見馥立於階下帝奇其個儻擢為朝歌邑宰馥辭曰氐羌異域遠隔風化得遊中華已為殊幸請辭朝歌之縣長充馬圍之役時賜美酒以樂餘年帝曰朝歌郡紂之故都地有酒池故使老羌不復呼渴馥於階下高聲而應曰馬圍老羌漸染皇教溥天夷貊皆為王臣今者歡酒池之樂受朝歌之地更為殷紂之比乎帝撫玉几大悅即遷為酒泉太守其地有清泉其味如酒馥乘酒而拜之遂為善

政民為立生祠後以府第賜張華猶有此草故茂先金  
登賦云擢九莖於漢庭美二株於茲館貴表祥乎金德  
名比類而相亂至惠帝咸熙元年三株草化為樹條葉  
似楊樹高五尺以應楊瓊之事時有楊雋弟瑤弟濟號

曰三楊醉羌之驗也

出拾遺記

### 望舒草

晉太始十年立河橋之歲有扶支國獻望舒草其色紅  
葉如荷近望則如卷荷遠望則如舒荷團團如蓋亦云

月出則葉舒月沒則葉卷植於宮內穿池廣百步名曰望舒池愍帝之末胡人移其種於胡中至今絕矣其池

尋亦平也

出拾遺記

神草

魏明時苑中有合歡草狀如著一株百莖晝則衆條扶

疎夜乃合作一莖謂之神

出酉陽雜俎

太平廣記卷四百八

欽定四庫全書

太平廣記卷四百九

宋 李昉等 編

草木四

草花

旌節花

野悉密花

都勝花

簇蝶花

莢葵

金燈花

金錢花

毗尸沙花

木花

叙牡丹

白牡丹

紅紫牡丹

正倒暈牡丹

合歡牡丹

染牡丹花

斲牡丹

月桂花

牡桂花

桂花

海石榴花

南海朱槿

嶺表朱槿

紅槿花

那提槿花

佛桑花

貞桐花

梔子花

山茶花

三色石楠花

比閭花

木蓮花

那伽花

木蘭花

異木花

碧玫瑰

刺桐花

懷風花

躑躅花

凌霄花

分枝荷

夜舒荷

睡蓮花

碧蓮花

染青蓮花

三朶瑞蓮

藕

蓮實

芰

菱

草花

旌節花

黎州漢源縣有旌節花去地三二尺行行皆如旌節也

出黎州漢源縣圖經

野悉密花

野悉密出佛林國亦出波斯國苗長七八尺葉似梅四時敷榮其花五出白色不結子花開時遍野皆香與嶺南詹糖相類西域人常採其花壓以為油塗甚香滑

都勝花

都勝花紫色兩重心數葉卷上如蘆朶藥苗葉細



簇蝶花

簇蝶花花朶簇一藥如蓮房色淺紅出在溫州

莪葵

莪葵本湖中葵也一名胡葵似葵大者紅可緝為布燒作灰藏大火久不滅有重臺者

金燈花

金燈一名九形花葉不相見俗惡人家種之故一名無

義草

金錢花

金錢花梁時荊州掾屬雙六賭金錢錢盡以金錢花相足魚弘謂得花勝得錢

毗尸沙花

毗尸沙一名曰中金錢花本出外國梁大同二年來中

土

已上七花並  
出酉陽雜俎

木花

叙牡丹

牡丹花世謂近有蓋以隋末文士集中無牡丹詩則  
楊子華有畫牡丹處極分明子華北齊人則知牡丹花  
亦已久矣

出尚書  
故實

又謝康樂集亦言竹間水際多牡丹

而隋朝種植法七十餘卷中不說牡丹者則隋朝花藥

中所無也

出酉陽  
雜俎

### 白牡丹

唐開元末裴士淹為郎官奉使幽冀迴至汾州衆香寺  
得白牡丹一棵植於長興私第天寶中為都下奇賞當

時名士有裴給事宅看牡丹詩詩尋訪未獲太常博士  
張乘嘗見裴祭酒說又房瑄有言牡丹之會瑄不與焉

出酉陽

雜俎

### 紅紫牡丹

唐至德中馬僕射總鎮太原紅紫二色牡丹得移於城

中元和初猶少今與莢葵多少耳

出酉陽  
雜俎

### 正倒暈牡丹

長安興唐寺有牡丹一棵唐元和中著花一千二百朵

其色有正暈倒暈淺紅深紫黃白檀等獨無深紅又有  
花葉中無抹心者重臺者有花面徑七八寸者

出酉陽  
雜俎

### 合歡牡丹

長安興善寺素師院牡丹色絕嘉元和末一枝花合歡

出酉陽

雜俎

### 染牡丹花

唐朝韓文公愈有疎從子姪自江淮來年甚少韓令學  
院中伴子弟子弟悉為凌辱韓知遂送街西僧院中令

讀書經旬寺主綱復訴其狂率韓遽令歸且責曰市肆  
賤類營衣食尚有一事長處汝所為如此竟作何物姪  
拜謝徐曰某有一藝恨叔不知因指階前牡丹曰叔要  
此花青紫黃赤唯命也韓大奇之遂給所須試之乃豎  
箔曲盡遮牡丹叢不令人窺掘標四面深及其根寬容  
人坐唯齋紫鑛輕粉朱紅旦暮治其根凡七日遂掩坑  
白其叔曰根較遲一月時冬初也牡丹本紫及花發色  
黃紅歷緣每朵有一聯詩字色紫分明乃是韓公出關

時詩頭一韻曰雲橫秦嶺家何在雪擁藍關馬不前十  
四字韓大驚異遂乃辭歸江淮竟不願仕

出酉陽  
雜俎

### 斲牡丹

長安貴遊尚牡丹三十餘年矣每春暮車馬若狂以不  
就斲為恥金吾鋪園外寺觀種以求利一本有數萬者  
元和末韓令姪至長安私第有之遽命斲去曰吾豈效

兒女子也

出國  
史補

### 月桂花

月桂葉如桂花淺黃色四瓣青藥花盛發如柿蒂出蔣

山出酉陽  
雜俎

牡桂花

牡桂葉大如苦竹葉中有一脉如筆跡花蒂葉三瓣瓣  
端分為兩歧其表色淺黃近歧淺紅色花六瓣色白心

凸起如荔枝其枝紫出婺州山中

出酉陽  
雜俎

桂花

桂花三月開黃而不白大庾詩皆稱桂花耐日及張曲



江詩桂華秋皎潔晏矣

出酉陽雜俎

海石榴花

新羅多海紅并海石榴唐贊皇李德裕言花中帶海者  
悉從海東來章川花差類海石榴五朶簇生葉狹長重  
沓承

南海朱槿

南海四時皆有朱槿花常開然一本之內所發不過一  
二十花所開不能如圖畫者叢發爛漫

嶺表朱槿

嶺表朱槿花莖葉皆如桑樹葉光而厚南人謂之佛桑

樹身高者

出酉陽雜俎

止於四五尺而枝葉婆娑自二月開

花至於中冬方歇其花深紅色五出如大蜀葵有蓋一

條長於花葉上綴金屑日光所爍疑有焰生一叢之上

日開數百朵雖繁而有艷且近而無香暮落朝開插枝

即活故名之槿俚女亦採而鬻一錢售數十朵若微此

花紅梅無以資其色

出嶺表異錄

紅槿花

嶺南紅槿自正月迄十二月常開秋冬差少耳

出嶺南  
異物志

那提槿花

那提槿花紫色兩重葉外重葉卷心中抽莖高寸餘  
葉端分五瓣如蒂瓣中紫莖莖上黃蕊

佛桑花

閩中多佛桑樹枝葉如桑唯條上勾花房如桐花含長  
一寸餘似重臺狀花亦有淺黃者南中桐花有深色者

貞桐花

貞桐枝端抽赤黃條條復旁對分三層花大如落蘇花  
黃色一莖上有五六十朵

梔子花

諸花少六出者唯梔子花六出陶貞白言梔子剪花六  
出刻房七道其花香甚相傳即西域薝蔔也

山茶花

山茶葉如茶樹高者丈餘花大盈寸色如緋十二月開

三色石栴花

衡山石栴花有紫碧白三色花大如牡丹亦有無花者

比閭花

白州比閭華其華若羽伐其木為薪終日火不敗

木蓮花

木蓮花葉似辛夷花類蓮色出鳴玉溪印州亦有

那伽花

那伽花狀如三春無葉花色白心黃六瓣出在船上

木蘭花

長安敦化坊百姓家唐大和中有木蘭一樹花色深紅  
後桂州觀察使李勣看宅人以五千買之宅在水北經  
年花紫色

異木花

唐衛公李德裕嘗獲異木一株春花紫色思木中一歲  
發花唯木蘭

碧玫瑰

洛中鬻花木者言嵩山深處有碧色玫瑰而今亡矣

自那

捉槿花下並  
出酉陽雜俎

### 刺桐花

刺桐花狀比圖畫者不類其木為材三四月時布葉繁  
密後有赤花間生葉間三五房不得如畫者紅芳滿樹

謫緣陳去疾家於閩因語方風物去疾閩之泉州刺桐  
葉綠而花紅房照物家未殷然與番禺者不同乃知此  
地所畫者實閩中之本非南  
海之所產也出投荒雜錄

### 懷風花

樂遊苑自生玫瑰樹下多首蒼一名懷風時人或謂之光風風在其間常肅然日照其花有光采故名曰首蒼懷風茂陵人謂之連枝草

出西京雜記

### 躑躅花

南中花多紅赤亦彼之方色也唯躑躅為勝嶺北時有不如南之繁多也山谷間悉生二月發時照耀如火月

餘不歇

出嶺西異物志

### 凌霄花



凌霄花中露水損人目

出酉陽雜俎

分枝荷

漢明帝時池中有分枝荷一莖四葉狀如駢蓋實如玄

珠可以飾珮

出酉陽雜俎

夜舒荷

靈帝時有夜舒荷一莖四蓮其葉夜舒晝卷

出酉陽雜俎

睡蓮花

睡蓮南海有睡蓮夜則花低入水

碧蓮花

唐室中太傅相國盧公應舉時寄居壽州安豐縣別墅嘗遊芍陂見里人負薪者持碧蓮花一朶公驚問之答曰陂中得之盧公後從事浙西因使淮服話於太尉衛公李德裕德裕令搜訪芍陂則無有矣又遍尋於江渚間亦終不能得乃知向者一朶蓋神異耳

出尚書故實

染青蓮花

唐韓文公愈之姪有種花之異聞其說於杜給事孺休

與湖州有染戶家池生青蓮花刺史命收蓮子歸京種於池沼或變為紅蓮因異之乃致書問染工染工曰我家有公世治靛甕嘗以蓮子浸於甕底俟經歲年然後種之若以所種青蓮花子為種即其紅矣蓋還本質又何足怪乃以所浸蓮子寄之道士申匡圖又見人以雞矢和土培芍藥花叢其淡紅者悉成深紅染之所益信矣偽蜀王先主將晏駕其年蛾眉山娑羅花悉開白花又荆文獻王未薨前數年溝港城隍悉開白蓮一則染

以氣類一則表於凶兆又何疑哉

三系瑞蓮

偽蜀主當僭位諸勳貴功臣競起甲第獨偽中令趙廷  
隱起南宅北宅千梁萬拱其諸奢麗莫之與儔後枕江  
瀆池中有二島嶼遂甃石循池四岸皆種垂楊或間雜  
木芙蓉池中種藕每至秋夏花開魚躍柳陰之下有士  
子執卷者垂綸者執如意者執麈尾者譚詩論道者一  
旦岸之隈有蓮一莖上分兩歧開二系其時謂之太平

無事之秋士女拖香肆豔看者甚衆趙廷隱畫圖以進  
蜀主歎賞其時歌者詠者不少無何禁苑中有蓮一莖  
岐分三朶蜀主開筵醮召羣臣賞之是時詞臣已下皆  
貢詩當時有好事者圖以繪事至今傳之

藕

蘇州進藕其最上者名傷荷藕或云荷名或云葉甘為  
蟲所傷或云故傷其葉以長其根近多種臺荷實中又  
生花亦甚異也

出國  
史補

蓮實

石蓮入水沈唯煎鹹酒能浮之鴈食之糞落山中百年  
不壞相傳椽子落水為蓮

出酉陽  
雜俎

菱

菱一名水菜一名蘇苔漢武昆明池中有浮根菱根出  
水上葉淪波下亦曰清水菱玄都有菱碧色狀如雞飛  
名翻雞菱仙人臯伯子常採之

出酉陽  
雜俎

菱

芟今人但言芟菱諸解草木書亦不分別唯五安貨五  
陵記言四角曰芟兩角曰菱今蘇州折腰菱多兩角荆  
州有僧遺段成式一斗郢城菱三角而無芒可以按莎

出商陽  
雜俎

太平廣記卷四百九



欽定四庫全書

太平廣記卷四百十

宋 李昉等 編

草木五

果上

相稼榷樹實

如何樹實

仙梨

綺縞樹實

波那娑樹實

瞻波異果

神仙李

武陵桃李

金李

漢帝杏

仙人杏

御李子

朱李

兔頭柰

脂衣柰

朱柰

文林果

聖柰

木桃

東方村桃

仙桃

勾桃

一石桃

偏桃

王母桃

食桃核

韶子

羅浮甘子

天寶甘子

北方棗

西王母棗

仙人棗

仲思棗

波斯棗

果上

柷稼榘樹實

東方大荒之中有樹焉名曰柷稼榘柷柷黎也稼者株  
稼也榘暍也三千歲作花九千歲作實其花蓋紫色其  
實赤色亦高百丈或千丈也敷張自輔東西南北方枝  
各近五十丈葉長七尺廣五尺色如綠青木皮如梓樹  
理如甘草味飴實長九尺圍如長無瓢核竹刀剖之如  
凝蜜得食復見實即滅矣言復見後實熟者壽一萬二

千歲

出神異經

### 如何樹實

南方大荒有樹焉名曰如何三百歲作花九百歲作實  
 花色朱其實正黃高五十丈敷張如蓋葉長一丈廣二  
 尺餘似管苧色青厚可五分似絮如厚朴材理如支九  
 子味如飴實有核形如棗子長五尺圍如長金刀剖之  
 則酸蘆刀剖之則辛食之者地仙不畏水火不畏白刃

刃刀之屬言地仙者不能飛  
 在地從之法也出神異經

仙梨

南方有樹焉高百丈敷張自輔葉長一丈廣六尺名仙梨  
如今之相梨但樹大耳其子徑三尺剖之少瓤白如素  
和羹食之地仙衣服不敗辟穀可以入水火也

出神  
異經

綺縞樹實

東南荒中有邪音耶木焉高三千丈或十餘圍或七八尺

其枝有喬直上不可那也葉如甘瓜三百歲晝落而生  
花形如甘瓜花復二百歲落而生萼萼下生子三歲而

成熟成熟之後不長不減子形如寒瓜似冬瓜也長七八寸徑四五寸萼復覆生頂言發萼而得成實此不取

萬世如故若取子而留萼萼復生子如初年月復成熟

復二年則成萼則復生子其子形如甘瓠少靚音練甘美

食之令人身澤不可過三升令人冥醉半日乃醒木高

人取不能得唯木下有多羅之人緣能得之多羅國名一名

無葉世人後生不見葉謂之無葉也一名綺縞人見無

葉謂之綺縞出神異經

波那婆樹實

波那婆樹出拂林國呼為阿薩鞞樹長五六丈皮色青  
綠葉極光淨冬夏不凋無花結實其實從樹莖出大如  
冬瓜有皮裹之殼上有刺瓢至甘甜可食核大如棗一  
實有數枚核中仁如粟黃炒之食甚美

出酉陽  
雜俎

瞻波異果

瞻波國有人牧牛百餘頭有一牛離羣忽失所在至暮  
方歸形色鳴吼異常牛主異之明日遂獨行主因隨之

入一穴行五六里豁然明朗花木皆非人間所有牛於一處食草草不可識有果作黃金色牧牛人竊將還為鬼所奪又一日復往取此果至穴鬼復欲奪其人急吞之身遂暴長頭纔出身塞於穴數日化為石

出酉陽雜俎

### 神仙李

防陵楚山有朱神李圃三十六所潘岳閒居賦云房陵朱神之李又李尤果賦云三十六之朱李蓋仙李縹而神李紅陸士衡果賦云中山之縹李是也

出述異記



武陵桃李

武陵源在吳中山中無他木盡生桃李俗呼為桃李源  
源上有石洞洞中有乳水世傳秦亂吳人於此避難者

食桃李實者皆得仙去

出述  
異記

金李

杜陵有金李李之大者謂之夏李尤小者謂之鼠李

出述

異記

漢帝杏

濟南郡之東南有分流山山上多杏大如梨色黃如橘  
土人謂之漢帝杏亦曰金杏

出酉陽  
雜俎

仙人杏

杏圃洲南海中多杏海上人云仙人種杏處漢時嘗有  
人舟行遇風泊此洲五六日日食杏故免死云洲中有  
冬杏王充果賦云冬實之杏春熟之甘晉郭太儀果賦

云杏或冬而實

出述  
異記

御李子

許昌節使小廳是故魏景福殿董卓亂魏武挾今遷帝  
自洛都許許州有小李子色黃大如櫻桃謂之御李子  
即獻時所植至今有焉

出述  
異記

### 朱李

魏文帝安陽殿前天降朱李八枚啖一枚數日不食今  
李種有安陽李大而甘者即其種也

出述  
異記

### 兔頭柰

白柰出涼州野豬澤大如兔頭

出酉陽  
雜俎

脂衣柰

脂衣柰漢時紫柰大如升核紫花青研之有汁可漆或

著衣不可浣

出酉陽雜俎

朱柰

唐貞觀年中頓邱縣有一賢者於黃河渚上拾菜得一樹子僅大如指持歸蒔之三年乃結子五顆味狀如柰又似林檎多汁異常酸美送縣縣上州以其奇味乃進之上賜綾一十匹後樹長成漸至三百顆每年進之號

曰朱柰至今存德具博等州取其枝接所在豐足人以  
為從西域浮來礙渚而住矣

出朝野  
僉載

### 文林果

唐永徽中魏郡臨黃王國村人王方言嘗於河中灘上  
拾得一小樹栽埋之及長乃林檎也實大如小黃瓠色  
白如玉間以珠點亦不多三數而已有如纈實為奇果  
光明瑩目又非常美紀王慎為曹州刺史有得之獻王  
王貢於高宗以為朱柰又名五色林檎或謂之聯珠果

種於苑中西域老僧見之云是奇果亦名林檎上大重  
之賜王方言文林郎亦號此果為文林郎果俗云頻婆  
果河東亦多林檎秦中亦不少河西諸郡亦有林檎皆

小於文林果

出洽  
聞記

聖柰

河州鳳林關有靈巖寺每七月十五日溪穴流出聖柰

大如盞以為常

出洽  
聞記

木桃

桃之大者木桃詩云投我以木桃是也

出述異記

### 東方村桃

東方村有桃樹其子徑三尺二寸和核羹食之令人益壽食核中仁可以治嗽小桃溫潤既嗽人食之即止也

出神異記

### 仙桃

出郴州蘇耽仙壇有人至心求之者桃落壇上或至五六顆形似石塊赤黃色破之如有核三重研飲之愈衆

疾尤治邪氣

出酉陽雜俎

勾桃

鄴華林苑勾桃子重三觔或二觔半亦有名梨者比衆果氣味甘美入口消釋人間有名果季龍作蝦蟇車四箱廣一丈深一丈合土載中植之則無不生也

出洽聞記

一石桃

吐谷渾桃大如石甕

出洽聞記

偏桃



偏桃出波斯國波斯呼為婆淡樹長五六丈圍四五尺  
葉似桃而濶大三月開花白色花落結實狀如桃子而  
形偏其肉苦澁不堪噉核中仁甘甜西域諸國並珍之

出酉陽

雜俎

### 王母桃

王母桃洛陽華林園內有之十月始熟形如括篲俗語

曰王母甘桃食之解勞亦名西王母桃

出酉陽  
雜俎

### 食桃核

楊子留後吳堯卿家有傭賃者役之既久一日持一大  
桃核可容數升以獻堯卿堯卿知其異稍磨之取食食  
盡頗覺輕健堯卿為吏貪狠殘虐畢師鐸之難投所居  
後閣井中死師鐸求得類堯卿者殺之後有得其故居  
者竊知其屍在井中取而得之舉體皆腐壞而藏府有

成金者

出稽  
神錄

韶子

初寧縣里有石榆子一名山棗又時呼為韶子也

出南  
越志

羅浮甘子

二種

羅浮甘子唐開元中始有山僧種於南樓寺其後進獻

幸蜀奉天之歲皆不結實

出國史補

天寶甘子

唐天寶十年上謂幸臣曰近於宮內種甘子數株今秋結實一百五十顆與江南蜀道所進不異宰臣賀表曰雨露所均混天區而齊被草木有性憑地氣而潛通故得資江外之珍果為禁中之華實相傳云元宗幸蜀年

羅浮甘子不實嶺南有蟻大於秦中馬蟻結巢於甘樹  
實時常循其上故甘皮薄而滑往往甘實在巢中冬深  
取之味數倍於常者

出酉陽  
雜俎

### 北方棗

北方荒中有棗林焉其高五十丈敷張枝條數里餘疾  
風不能偃雷電不能摧其子長六七寸圍過其長熟色  
如朱乾之不縮氣味潤澤殊於常棗食之可以安軀益  
氣故方書云此棗枝條盛於常棗亦益氣安軀赤松子

云北方大棗味有殊既可益氣又安軀

出神  
異記

### 西王母棗

鄴華林苑中西王母棗冬夏有葉九月生花臘月乃熟

三子一尺又有圭角亦三子一尺

出洽  
聞記

### 仙人棗

晉時太倉南有翟泉西有華林園園有仙人棗長五寸

核細如針

出酉陽  
雜俎

### 仲思棗

信都獻仲思棗四百枚棗長四五寸圓紫色細又縐細核肥有味賢於青州棗北齊時有仙人仲思得此棗種之亦名仙棗時海內唯有數樹

出大葉拾遺

### 波斯棗

波斯棗出波斯國波斯呼為窟莽樹長三四丈圍五六尺葉如土藤不凋二月生花狀如蕉花有兩甲漸漸開罅中有十餘房子長二尺黃白色有核熟則紫黑狀類乾棗味甜如飴可食

出酉陽雜俎

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|

太平廣記卷四百十



欽定四庫全書

太平廣記卷四百十一

宋李昉等編

草木六

果下

櫻桃

檍棗

柿

底榻樹實

柿盤

融峯梨

六觔梨

紫花梨

胡榛子

酸棗

蒲萄

王母蒲萄

侯騷子

蔓胡桃

仙樹實

橄欖子

東荒栗

猴栗

瓜

五色瓜

瓜惡香

菜

蔓菁

越蒜

三蔬

菠薐

芥菹

芥末

水韭

茄子樹

崑崙紫瓜

茄子故事

儋崖瓠

果下

櫻桃

唐時新進士尤重櫻桃宴乾符四年劉鄴第三子覃及第時鄴以故相鎮淮南勅鄴吏曰以銀一定資釀置而覃所費往往數倍鄴吏以聞鄴命取足而已會時及薦新狀頭已下方議釀率覃潛遣人厚以金帛預購數十樹矣于是獨置是宴大會公卿時京國櫻桃初出雖貴達未適口而覃山積鋪席復和以糖酪用享人蠻獻一

小盤亦不啻數升以至叅御輩靡不霑足

出撫言

### 糯棗

晉趙瑩家庭有糯棗樹婆娑異常四遠俱見有望氣者訪其隣里問人云此家合有登宰輔者里叟曰無之然主人小字相兒得非此乎術士曰王氣方盛不在其身當在其子孫其後瑩由太原判官大拜出將入相

出北夢瑣

言

### 柿

俗謂柿樹有七德一壽二多陰三無鳥窠四無蟲五霜  
葉可翫六嘉實七落葉肥大

出酉陽  
雜俎

### 底穰樹實

阿驛波斯呼為阿驛拂林呼為底穰樹長丈四五枝葉  
繁茂葉有五出似蟬麻無花而實實赤色類蟬子味似  
乾柿而一年一熟

### 柿盤

木中根固柿為最俗謂之柿盤

出酉陽  
雜俎

融峯梨

仙梨融峯上有青壇方五丈有燒香行道處古形銅器  
數種有梨樹高三十丈子如斗至搖落時但見其汁核

無得味者

出洽  
聞記

六觔梨

洛陽報國寺梨重六觔

出西陽  
雜俎

紫花梨

清泰中薄遊京輦曾與盧泳巡官鄭辰博士僧季雅及

三五知友夜會于越波隄僧院是時清秋欲杪明月方  
高句聯五字之奇酒飲八仙之美柿新紅脯茗醖綠芽  
一詠一觴或醒或醉座上因相與徵引古今遂及果實  
之事有叙及紫花梨者衆云真定有之雅公獨顰蹙而  
言曰此微僧先祖之遺恨衆驚而問之雅曰昔武宗皇  
帝御天下之五載萬國事殷聖情不憚忽患心熱之疾  
名醫進藥厥疾固瘳遂博詔良能遐徵和緩時有言青  
城山邢道士者妙于方藥帝即召見之道士以肘後綠

囊中青丹兩粒及取梨數枚絞汁而進之帝疾尋愈旬日之內所賜萬金仍加廣濟先生之號帝從容問其丹為何物先生曰赤城山頂有青芝兩株太白南溪有紫花梨一樹臣之昔歲曾遊二山獨獲兩寶合練成丹五十年來服食殆盡惟餘兩粒幸逢陛下服之更欲此丹須求二物也經數月邢生辭帝歸山後疾復作再詔邢先生于青城則不知何適也帝遂詔示天下有紫花梨即時奏上時恒州節度太尉公王達尚壽春公主即會



昌之女弟聞真定李令種梨數株其一紫花梨即遣寺人就加封檢剪其旁樹匝以朱欄寶惜纖枝有同月桂當花發之時防蜂蝶之窺耗每以輕綃紗縠遠加籠罩焉守樹者不勝艱苦洎及秋實公主必手選而進之比達帝廷十得其六七帝多食此梨雖不及邢氏者亦粗解其煩躁耳是時有李遵來侍御任恒州記室作進梨表云紫花開處擅美春林縹蒂懸時迴光秋景離離玉潤落落珠圓甘不得嘗脆難勝口表達闕下公卿見者

多大笑之曰常山公何用進殘梨于天府也蓋以其表  
有脆難勝口之字明年武宗崩公主亦相次逝此梨自  
後以為貢賦之常物縣官歲久亦漸怠于寶守焉至天  
祐末年趙王為明德之所篡弑其後縣邑公署多歷兵  
戎紫花之梨亦已枯朽今之真定無復繼種者焉當武  
宗時縣宰李公名尚即雅之祖也嘗以守樹不謹曾風  
折一枝降為冀州典午由是追感而顰蹙也

出耳  
日記

胡榛子

阿月生西國蕃人言與胡榛子同樹一年榛子二年阿

月

出酉陽雜俎

### 酸棗

耆舊說周秦時河南雨酸棗遂生野酸棗今酸棗縣是也酸棗之甚小者為野酸棗

出述異記

### 蒲萄

俗言蒲萄蔓好引于西南庾信謂魏使尉瑾曰我在鄴遂大得蒲萄奇有滋味陳招曰作何形狀徐君房曰有

類軟棗信曰君殊不體物何得不言似生荔枝魏肇師  
曰魏武有言末夏涉秋尚有餘暑酒醉宿醒掩露而食  
甘而不飴酸而不酢道之固以流沫稱奇况親食之者  
瑾曰此物出自大宛張騫所致有黃白黑三種成熟之  
時子實逼側星編珠聚西域多釀以為酒每來歲貢在  
漢西京似亦不少杜陵田五十畝中有蒲萄百樹今在  
京邑非直止禁林也信曰乃園種戶植接蔭連架昭曰  
其味何如橘柚信曰津液勝奇芬芳減之瑾曰金衣素

裏見苞作貢向齒自消良應不及

出酉陽雜俎

### 王母蒲萄

貝丘之南有蒲萄谷谷中蒲萄可就其所食之或有取歸者即失味世言王母蒲萄也天寶中沙門曇霄因遊諸岳至此谷得蒲萄食之又見枯蔓堪為杖大如指五尺餘持還本寺植之遂活長高數仞蔭地幅員十丈仰觀若帷蓋焉其旁實磊落紫瑩如墜時人號為草龍珠

帳馬

出酉陽雜俎

侯騷子

侯騷蔓生如雞卵既甘且冷輕身消酒廣志言因王太

僕所獻

出酉陽雜俎

蔓胡桃

蔓胡桃出南詔大如扁螺兩隔味似胡桃或言蠻中藤

子也

出酉陽雜俎

仙樹實

祁連山上有仙樹實行旅得之止饑渴一名四味木其

實如棗以竹刀剖則甘鐵刀剖則苦木刀剖則酸蘆刀

剖則辛

出酉陽  
雜俎

橄欖子

獨根樹東向枝曰木威南向枝曰橄欖

出酉陽  
雜俎

東荒栗

東方荒中有木名曰栗有殼徑三尺三寸殼刺長丈餘

實徑三尺殼亦黃其味甜食之令人短氣而渴

出酉陽  
雜俎

猴栗

唐衛公李德裕一夕甘子園會客盤中有猴栗無味陳

堅處士云虔州南有漸栗形如素核

出酉陽雜俎

瓜

漢明帝陰貴人夢食瓜甚美帝使求諸方國時有燉煌  
獻異瓜種常山獻巨桃核瓜名穹窿長三尺而形屈其味  
臭如粘父老云昔道士從蓬萊山得此瓜云是空洞靈  
瓜四劫一寶東王公西王母遺種于地世代遐絕其實  
頗存又說此瓜霜下始花隆冬可熟亦云仙人所食常



使植於霜林園此園皆植寒果積冰之節百果方盛俗  
為相陵瓜故霜園之聲訛也后曰王母之桃王公之瓜  
可得而食五萬歲矣安可食乎后崩內侍者見鏡奩中  
有瓜桃之核視之涕零疑其非類

出王子  
年拾遺

### 五色瓜

吳桓王時會稽生五色瓜今吳中有五色瓜歲充貢賦

出述  
異記

### 瓜惡香

瓜惡香中尤忌麝唐鄭注太和初赴職河中姬妾百餘  
盡綺香氣數里逆于人鼻是歲自京至河中所過路瓜  
盡死一帶不獲出酉陽雜俎

菜

蔓菁

諸葛所止令兵士獨種蔓菁者取其纔出甲可生啖一  
也葉舒可煮食二也久居則隨以滋長三也棄不令惜  
四也回則易尋而採之五也冬有根可斲食六也比諸

蔬屬其利不亦博哉劉禹錫曰信矣三蜀之人也今呼

蔓菁為諸葛菜江陵亦然

出嘉話錄

### 越蒜

異苑曰晉安平有越王餘蒜菜長尺許白者似骨黑者如角古云越王曾于舟中作籌筭有餘者棄之水而生

焉

湖

### 三蔬

晉咸寧四年立芳園于金墉城東多種異菜名曰雲薇

類有三種紫色者最繁滋其根爛漫春敷夏密秋榮冬  
馥其實若珠五色隨時而盛一名雲芝其紫色者為上  
蔬而味辛其黃色者為中蔬而味甘其青色者為下蔬  
而味鹹常以此蔬充御其葉可以藉飲食以供宗廟祭  
祀亦止人饑渴宮人採帶其莖葉香氣歷月不歇

出拾遺記

### 菠薐

菜之菠薐者本西國中有僧自彼將其子來如苜蓿蒲  
萄因張騫而至也菠薐本是頗陵國將來語訛耳多不

知也

出嘉話錄

芥菹

廣州人以巨菜為鹹菹埋地中有三十年者貴尚親賓

以相餉遺

出嶺南異物志

芥末

掌中芥末多國出也取子置掌中吹之一吹一長長三

尺乃植于地

出酉陽雜俎

水韭

水韭生于水湄狀如韭而葉細長可食

出酉陽雜俎

### 茄子樹

南中草菜經冬不衰故蔬圃之中栽種茄子宿根有三年者漸長枝幹乃為大樹每夏秋熟則梯樹摘之三年後漸樹老子稀即伐去別栽嫩者

出嶺表錄異

### 崑崙紫瓜

隋煬帝大業末改茄子為崑崙紫瓜

出述異記

### 茄子故事

茄子茄子連根名革遐反今呼伽未知所自昔段成式因就廊下食茄子數蒂偶問工部員外張周封茄子故事張云一名落蘇事具食料本草成式記得隱侯行園詩云寒瓜方卧壘秋瓜正滿陂紫茄紛爛漫綠芋鬱參差又一名崑崙瓜嶺南茄子宿根成樹高五六尺姚向曾為南選使親見之故本草記廣州有慎火樹樹大四圍慎火即景天也俗呼為護火草茄子熟者食之厚腸胃動氣發疾根能理龜瘕欲其子繁候其花時取葉

布于過路以灰規之人踐之子必繁也俗謂嫁茄子曾  
火炙之甚美有新羅種者色稍白形如雞卵西明寺僧  
造玄院中有其種水經云石頭西對蔡浦長百里上有

大荻荻浦下有茄浦

出酉陽雜俎

儋崖瓠

儋崖種瓠成實率皆石餘芥高者亦五六尺子大如雞

卵

出酉陽雜俎

太平廣記卷四百十一



欽定四庫全書

太平廣記卷四百十二

宋 李昉等 編

草木七

竹

叙竹類

涕竹

棘竹

篋篋竹

篋籬竹

慈竹

筋竹

百葉竹

桃枝竹

癭竹

羅浮竹

童子寺竹

竹花

竹筴

竹實

五穀

雨稻

雨粟

雨麥

彫葫

雨穀

搖枝粟

鳳冠粟

繞明豆

延精麥

紫沉麻

雨五穀

野粟石穀

芋

雀芋

甘蔗

茶薺

叙茶

獲神茗

饗茗獲報

消食茶

竹

叙竹類

竹譜竹類有三十九

出酉陽雜俎

涕竹

南方荒中有涕竹長數百丈圍三丈六尺厚八九寸可

以為船其笋甚美煮食之可止瘡癘

出神異經

棘竹

棘竹一名筓竹節皆有刺數十莖為叢南夷種以為城  
粹不可攻或自崩根出大如酒甕縱橫相承狀如繅車

食之下人髮

出酉陽雜俎

篋篋竹

篋篋竹皮薄而空多大者徑不逾二寸皮上有麓澁文  
可為錯子錯甲利勝于鐵若鈍以漿水澆之還復快利

出廣州記古林之竹勁而利削為刀割象皮如切芋。出嶺表錄異

筩簞竹

筩簞竹大如脚指腹中白幕攔隔狀如濕麪將成而筒皮未落輒有細蟲齧處成赤跡似繡畫可愛

出酉陽雜俎

慈竹

慈竹夏月經雨滴汁下地生蓐似鹿角色白食之已痢

出酉陽雜俎

筋竹

筋竹南方以為茅筍未成竹時堪為弩弦

出酉陽雜俎

百葉竹

百葉竹一枝百葉有毒

出酉陽雜俎

桃枝竹

東官郡漢順帝時屬南海西接高涼郡又以其地為司  
監都尉東有蕪地西接臨大海有長洲多桃枝竹緣岸  
而生

闕

瘦竹

東洛勝境有三溪張文規有莊近溪忽有竹一竿生瘦

大如李

出酉陽雜俎

羅浮竹

唐貞元中有鹽戶犯禁逃于羅浮山深入第十三嶺

南越

志云本只羅山忽海上有山浮來相合是謂羅浮山有十五嶺二十二峯九百八十瀑泉洞穴則山無出其右也曾有詩曰四百餘崖海上排根連蓬島蔭天台百靈若為移中土嵩華都為一小堆

遇巨竹萬

千竿連直巖谷竹園皆二丈餘有三十九節二丈許逃者遂取竹一竿破以為筏會赦宥遂挈以歸有人得一筏竒之獻於太守李復乃圖而紀之予嘗覽竹譜曰雲

邱帝竹

帝陵上所生竹

一節為船又何偉哉南海以竹為甌者

類見之矣皆羅浮之竹也

出嶺表錄異

### 童子寺竹

唐李衛公言北都惟童子寺有竹一窠纔長數尺相傳

其寺網維每日報竹平安

出西陽雜俎

### 竹花

山海經曰竹生花其年便枯竹六十年易根易根必花結實而枯死實落復生六年而成町子作穗似小麥

出感



應經

竹筴

竹復死曰筴六十年一易根易根則結實枯死

出酉陽雜俎

竹實

唐天復甲子歲自隴而西迨于褒梁之境數千里內亢陽民多流散自冬經春飢民啖食草木至有骨肉相食者甚多是年忽山中竹無巨細皆放花結子飢民採之舂米而食珍于粳糯其子粗顏色紅纖與今紅粳不殊

其味尤更馨香數州之民皆挈眷入山就食之至于溪山之內居人如市人力及者競置囷廩而貯之家有羨糧者不貧者又取與葷茹血肉而同食者嘔噦如其中毒十死其九其竹自此千蹊萬谷並皆立枯十年之後復產此君可謂百萬圓顱活之于貞筠之下

出玉堂  
閑話

### 五穀

### 雨稻

夏禹時天雨稻古詩云安得天雨稻飼我天下民

出述  
異記

雨粟

呂后三年秦中天雨粟

出述異記

雨麥

漢武帝時廣陽縣雨麥

彫葫

太液池邊皆是彫葫紫擇綠節蒲叢之類菰之有米者  
長安人謂為彫葫葭蘆之未解葉者謂為紫擇菰之有  
首者謂為綠節其間鳧雛子布滿充積又多紫龜綠鼈

池邊多平沙沙上鶉鳩鷓鴣鷓鴣鷓鴣動輒成羣

出西京雜

記

雨穀

漢宣帝時江淮饑饉人相食天雨穀三日尋魏地奏亡

穀二千頃

出述異記

搖枝粟

宣帝地節元年樂浪東有背明之國人至貢方物言其鄉土在扶桑之東見日出于西方其國昏昏恒闇宜五

穀名曰融澤方三千里五穀皆良食者延年清腹一粒  
歷年不饑有搖枝粟言其枝長而弱無風常搖食之益

髓出王子年拾遺記

### 鳳冠粟

鳳冠粟似鳳鳥之冠食者多力有遊龍粟枝葉屈曲如  
遊龍有瓊膏色白如銀食此二粟令人骨輕

出王子年拾遺記

### 繞明豆

繞明豆言其莖弱自相縈纏有挾劍豆言莢形似人挾

劍而橫斜生有傾籬豆言見日則葉垂覆地食者不老

不疾

出王子年拾遺記

### 延精麥

延精麥言延壽益氣有昆和麥調暢六腑有輕心麥食者體輕有淳和麥麩以釀酒一醉累月食之凌冬不寒有含露麥穗中有露甘如飴

出王子年拾遺記

### 紫沉麻

紫沉麻其實不浮有雲水麻實冷而光宜為油澤有光

通麻食者行不待燭則巨勝也食之延壽後天而死

王出

子年拾遺記

### 雨五穀

吳桓王時金陵雨五穀于貧民家富民家則不雨

出述異記

### 野粟石穀

宋高宗之初當晉末饑饉之後既即位而江表二千餘里野粟生焉又淮南諸山石穀生石上生穀也袁安云

石穀藥名穗之尤小者是也

出述異記

芋

天芋生終南山中葉如荷而厚

出酉陽雜俎

雀芋

雀芋狀如雀頭置乾地反濕置濕處反乾飛鳥觸之墮

走獸遇之僵

出酉陽雜俎

甘蔗

南方山有甘蔗

甘蔗二音

其林其高百丈圍三尺八寸促節

多汁甜如蜜咋嚼其汁令人潤澤可以節蛇蟲人腹中



蛇蟲其狀如蚓此消穀蟲也多則傷人少則穀不消是  
甘蔗能減多益少凡蔗亦然

出神  
異經

### 茶薈

### 叙茶

茶之名器益衆劍南有蒙頂石花或小方或散芽號為  
第一湖州有顧渚之紫笋東川神泉昌明硤州有碧澗  
明月芳蓋茱萸簾福州有方山之生芽夔州有香山江  
陵有楠木湖南有衡山岳州有澧湖之含膏常州有義

興紫笋婺州有來白睦州有鳩坑洪州有西山白露壽  
州有霍山黃芽蘄州有蘄門團黃浮梁商賈不在焉

出國

補史

### 獲神茗

神異記曰餘姚人虞茫入山採茗遇一道士牽三百青  
羊飲瀑布水曰吾丹邱子也聞子善茗飲常思惠山中  
有大茗可以相給祈子他日有甌犧之餘必相遺也因  
立茶祠後與人往山獲大茗焉

出顧渚  
山記

饗茗獲報

劉敬叔異苑曰剡縣陳娶妻少與二子寡居好飲茶茗以宅中有古冢每飲先輒祀之二子恚之曰冢何知徒以勞祀欲掘去之母苦禁而止及夜母夢一人曰吾止此冢三百餘年母二子恒欲見毀賴相保護又饗食吾嘉茗雖泉壤朽骨豈忘翳桑之報及報于庭內獲錢十萬似久埋者唯貫新母告二子二子慙之從是禱酌愈至

出顧渚

山記

消食茶

唐有人授舒州牧李德裕謂之曰到彼郡日天柱峯茶可惠三數角其人獻之數十觔李不受退還明年罷郡用意精求獲數角投之德裕閱之而受曰此茶可以消酒食毒乃命烹一甌沃于肉食內以銀合閉之詰旦開視其肉已化為水矣衆伏其廣識也

出中朝故事

太平廣記卷四百十二

欽定四庫全書

太平廣記卷四百十三

宋李昉等編

草木八

芝

竹芝

樓闕芝

天尊芝

紫芝

參成芝

夜光芝

隱晨芝

鳳腦芝

白符芝

五德芝

石桂芝

滴芝

木芝

螢火芝

肉芝

小人芝

地下肉芝

異菌

石菌

竹肉

毒菌

苔

叙苔

地錢

蔓金苔

如菖苔

石髮

瓦松

瓦松賦

芝

竹芝

梁簡文延香閣大同十年竹林吐芝長八寸頭蓋似雞頭實黑色其柄似藕柄內通榦空皮質皆純白根下微紅雞頭實處似竹節脫之又得脫也自節處別生一重如結網羅四面周可五六寸圓繞周匝以罩柄上相遠不相著也其似結網衆目輕巧可愛其與柄皆得相脫

驗仙書與威喜芝相類

出酉陽雜俎

樓闕芝

隋大業中東都永康門內會昌門東生芝草百二十莖散在地周十步許紫莖白頭或白莖黑頭或有枝或無枝亦有三枝如古出字者地內根並如線大道相連著乾陽殿東東上閣門槐樹上生芝九莖共本相扶而生中莖最長兩邊八莖相次而短有如樹闕甚潔白武賁

郎將段文操留守圖畫表奏

出大業拾遺

### 天尊芝

唐天寶初臨川郡人李嘉所居柱上生芝草形類天尊



太守張景佚截獻之

出酉陽雜俎

紫芝

唐大歷八年廬州廬江縣紫芝生高一丈五尺芝類至

多

出酉陽雜俎

參成芝

參成芝斷而可續

出酉陽雜俎

夜光芝

夜光芝一株九實實墜地如七寸鏡夜視如牛目茅君

種於句曲山

出酉陽  
雜俎

隱晨芝

隱晨狀如斗以星為節以莖為網

出酉陽  
雜俎

鳳腦芝

仙經言穿地六尺以環寶一枚種之灌以黃水五合以土堅築之三年生苗如匏實如桃五色名鳳腦芝食其

實唾地為鳳乘昇太極

出酉陽  
雜俎

白符芝

白符芝大雪而白華

出酉陽  
雜俎

五德芝

五德芝如車馬

出酉陽  
雜俎

石桂芝

石桂芝生山石穴中似桂樹而實石也高如大綬尺光明而味辛有枝條搗服之一觔得千歲也

出酉陽  
雜俎

滴芝

少室石戶中更有深谷不可得過以石投谷中半日猶

聞其聲也去戶外十餘丈有石柱柱上有偃蓋石南度徑可一丈許望之蜜芝從石上隨石偃蓋中良久輒有一滴有似雨屋後之餘漏時時一落耳然蜜芝墮不息而偃蓋亦終滴也戶上刻石為科斗字曰得服石蜜芝一斗者壽萬歲諸道士共思惟其處不可得往唯當以椀器置勁竹木端以承取之然竟未有能為之者按此戶上刻題如此前世必已有之者也

出抱朴子

### 木芝

木芝者松栢脂淪地千歲化為茯苓萬歲其上生小木  
狀似蓮花名曰木威喜芝夜視有光持之甚滑燒之不  
焦帶之辟兵以帶雞而雞以雞十二頭籠之去其處十  
二步射十二箭他雞皆傷帶威喜芝者終不傷也

出抱朴子

### 螢火芝

良常山有螢火芝其實是草大如豆紫花夜視有光食  
一枚中心一孔明食至七心七竅洞澈可以夜書

出酉陽雜俎

俎

肉芝

昔有人泊渚登岸忽見蘆葦間有十餘崑崙偃卧手足皆動驚報舟人舟人有常行海中者識之菌也往視之首皆連地割取食之菌但無七竅抱朴子云肉芝如人形產于地亦此類也何足怪哉

出嶺南異物志

小人芝

或山中見小人乘車馬長七八寸者肉芝也取服之即

仙矣

出抱朴子

地下肉芝

蘭陵蕭逸人亡其名嘗舉進士下第遂焚其書隱居潭水上從道士學神仙因絕粒吸氣每旦屈伸肢體冀延其壽積十年餘髮盡白色枯而背僂齒有墮者一旦引鏡自視勃然發怒且曰吾棄聲利隱身田野間絕粒吸氣冀得長生今亦衰瘠如是豈我之心哉即還居鄴下學商人逐什一之利凡數年資用大饒為富家後因治園屋發地得物狀類人手肥而且潤色微紅逸人得之

驚曰豈非禍之芽且吾聞太歲所在不可興土事脫有  
犯者當有修肉出其下固不祥也今果有奈何然吾聞  
得肉食之或可以免于是烹而食味甚美食且盡自是  
逸人聽視明力愈壯貌愈少髮之禿者盡黥然而長矣  
齒之墮者亦駢然而生矣逸人默自竒異不敢告于人  
後有道士至鄴下逢逸人驚曰先生嘗得餌仙藥乎何  
神氣清悟如是道士因胗其脉久之又曰先生嘗食靈  
芝矣夫靈芝狀類人手肥而且潤色微紅者是也逸人



悟其事以告道士賀曰先生之壽可與龜鶴齊矣然不宜居塵俗間當退休山林棄人事神仙可致逸人喜而從其語遂去竟不知所在

出宣室志

### 異菌

唐開成元年春段成式修行里私第書齋前有枯紫荆數株蠹折因伐之餘尺許至三年秋枯根上生一菌大如斗下布五足頂黃白兩暈綠垂裙如鶩鞞高尺餘至干色變黑而死焚之氣如茅香成式嘗置香爐於枿臺

上念經問僧以為善徵後覽諸志怪南齊吳郡褚思莊  
素奉釋氏眠于梁下短柱是柁木去地四尺餘有節大  
明中忽有一物如芝生于節上黃色鮮明漸漸長數日  
遂成千佛狀面目指爪及光相衣服莫不宛具如金鑠  
起隱摩之殊軟嘗以春末落落時佛形如故但色褐耳  
至落時其家貯之箱中積五年思莊不復住其下亦無  
他顯盛闔門壽老思莊父終九十七兄年七十健如壯

年

出酉陽  
雜俎

石菌

宋州莆田縣破崗山唐武宗二年巨石上生菌大如合  
筓莖及蓋黃白色其下淺紅盡為過僧所食云美倍諸

菌

出酉陽  
雜俎

竹肉

竹肉江淮有竹肉生節上如彈丸味如白雞竹皆向北  
又有大樹雞如杯椽呼為胡猴頭廬山有石耳性熱

出酉

陽雜  
俎

毒菌

江夏漢陽縣出毒菌號如閭非茅蒐也每歲供進縣司常令人於田野間候之苟有此菌即立表示人不敢從下風而過避其氣也採之日以竹竿芟倒遽捨竿于地毒氣入竹一時爆裂直候毒歇仍以檉柳皮蒙手以取用檀包之亦檉柳皮重裹縣宰封印而進其賫致役夫倍給其直為其道路多為毒薰以致頭痛也張康隨侍其父宰漢陽備言之人有為野菌所毒而笑者煎魚楛

汁服之即愈僧光遠說也

出北夢  
瑣言

苔

叙苔

苔錢亦謂之澤葵又名董錢草亦呼為宣癖南人呼為

垢草

出述  
異記

地錢

地錢葉圓莖細有蔓多生谿澗邊一曰積雪草亦曰連

錢草

出酉陽  
雜俎

蔓金苔

晉祖梁國獻蔓金苔色如金若螢火之聚大如雞卵投之水中蔓延波瀾之上光出照日皆如火生水上也乃于宮中穿池廣百步時時觀此苔以樂宮人宮人有幸者則以金苔賜之以置漆椀中照耀滿室名曰夜明苔着衣襟則如火光矣帝慮外人得之銜惑百姓詔使除苔塞池及皇家喪亂猶有此物皆入胡中

出王子年拾遺記

如苔苔

慈恩寺唐三藏院後簷堦開成末有苔狀如古菖布於  
堦上色如藍綠輕軟可愛談論僧義林太和初改奠基  
法師初開冢香氣襲人側卧堦臺上形如生堦上苔厚

二寸餘作金色氣如熱檀

出酉陽雜俎

### 石髮

張乘言南中水底有草如石髮每月三四日始生至八  
九已後可採及月盡悉爛似隨月盛衰也

出酉陽雜俎

### 瓦松

博雅在屋曰昔耶在墻曰垣衣廣志謂之蘭香生於久  
屋之瓦於落陽以覆屋前後詞人詩中多用昔耶梁簡  
文帝詠薇曰緣階覆碧綺依簷暎昔耶或言構木上多  
松栽土木氣洩則瓦生松大歷中修含元殿有一人投  
狀請瓦且言瓦工唯我所能祖父時嘗瓦此殿矣衆工  
不能服因曰若有能瓦畢不生瓦松乎衆方服焉又有  
李阿黑者亦能至屋布瓦如齒間不通縫亦無瓦松本

草瓦衣謂之屋遊


出酉陽  
雜俎



瓦松賦

崔融瓦松賦序云崇文館瓦松者產于屋雷之下謂之木也訪山客而未詳謂之草也驗農皇而罕記賦云煌煌特秀狀金芝之產雷歷歷虛懸若星榆之種天葩條郁毓根柢連拳間紫苔而裛露凌碧瓦而含煙又曰慚魏宮之烏韭惡漢殿之紅蓮崔公學博無不該悉豈不知瓦松已有著說乎

出酉陽雜俎



太平廣記卷四百十三